

Filou & Elowen, 11 Wochen



suechet zäme äs nöiies Daheime mit Freigang

Sali zäme

Dörftet mir üs vorschtäue? Mi sy dr Filou u d Elowen, zwöi Chuechatze-Gschwüschterli u uf dr Suechi nach eme eigene Daheime. Warum? Mi sy vo eme Hof übereh u uf ere Pflägschtäu ufzooge worde u sy itze denn parat für e eigne Familie u für's Läbe da dusse. Drum!

Mir sy Brüetsch u Schwöschtr, uugfähr 11 Wuche aut, u wie Du siehsch, usr m'Näsli chuun z'unterscheide. Isch vo Vorteil, we mir öppis aaschtäue. Cha mer immr säge, dr angeri war's. Mir sy vom Doc dürechecket, negativ teschtet, entwurmt, chippet, abr no nid gimpft, gsung u schtuberein wie di Grosse. Mit eme guete haub Jahr müesst mir dann no kaschtriert wärde, sunsch dörftet mir nid usse. U zmindest e Grundimmunisierung brüüchte mir ou no vor üsem erschte Freigang. Mer weiss ja nie, was da dusse so aues ummeschwirre tuet. Sichr isch sichr. U usse wönnt mir uf au Fäu. Mir sy sähr aahänglech u verschmuest u natürlch verschpiut u sähr nöigiirig, mir probiere aues us. S'git so viu z'Entdäcke uf diesere Wäut. Bsunders dr Filou macht sim Name aui Ehre, er wicklet mit sim Charm jäden um sini Pfote!

Mir hänge sähr angenang u hätte gärn unbedingt zäme es Daheime, gärn bi enere liebi Familie, wo fascht immr öpper daheime isch zum Striichele u Schpiue. Mir chenue u liebe Ching, Hung u Chatz, mir chönne mit auem u jädem. Ja, u Freigang ir verchehrsarme Umgäbig, das hättet mir ou gärn, durchs Törli düre. Garte wär tou u Wiese zum Umeschtöbere. Abr ebe, erscht we mir kaschtriert sy, auso so ab em haubi Jahr. U s'Impfe nid vergässe!

Siit Dir e toue Familie mit viu Ziit u Luscht zum Schpiue? Wohnt Dir ir verchehrsarme Umgäbig odr sogar richtig ländlech? Heit Dir Luscht uf zwöi liebi Wirbuwind? Heit Dir viu Platz u Ziit u viu schtriichelnde Händ? U Idee, was mer aues so schpiue cha? Ja? Denn müesst mir üs unbedingt lehre chenue. Ah ja, mir werde vo Cat Care Sensebezirk vermittelt, mit Schutzvertrag u gäge e Schutzgebühr, u wohne derziit noch z'Plaffeien/FR, zügle abr gärn zu Dir, wo ou immr Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöiie Plätzli. Nöigiirig uf üs zwöi?

Dini Filou & Elowen



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch